



CANNEN SPIRITUEL

AR

BUHÉ SANT ALEXIS.







CANNEN SPIRITUEL

AR

BUHÉ SANT ALEXIS.

En n'emb a gâr Jesus a greisig é galon,
 Hag a ven bout eurus aveit jamæs guet-on,
 Considéret erhat buhé sant Alexis
 E ziscoei d'emb reih-mad en hënt d'er Baraouis.

É Rom é oé gannet a guérent forh puissant,
 Père oé istimet guet en ol dud vaillant ;
 Rac é vivein erhat, avel gûir Christenion,
 E tiscoent exampl vad partout dré er hanton.

En dud necessitus hag en intanvésèd,
 Er beurerion méhus hag en orphelinèd,
 N'ou doé quin recur meit é ty Euphémien,
 Aveit cavouèt secour ha torrein ou anquin.

Forh pêl é vivezant hemb ou devout ligné ;
 Pedenneu a rezant liés d'en Eutru Doué,
 Ma plijehé guet-on rein ur hroaidur dehai,
 De gonsolation er rest a ou buhé.

— 4 —

A la fin Doué touchet dré en oræsoneu
 A brent dehou bamdé, hag ou alézoueu,
 A ras ur mab dehai pébani a vivas
 En durant é vuhé én ur santeleah vras.

Er hroaidur Alexis a ré mercheu abret,
 Durant é youanquis é tisprisé er bed ;
 Dré é vuhé réglet, ean a rehé d'antant
 Penaus é oé gannet aveit devout ur Sant.

Euphémien é dad, pe zas en ouaid dehon,
 Quentéh é houlennas ur priéd aveit-on ;
 El m'en doé puissance hag assès a vadeu,
 Ean e vennas avance é vab én inourieu.

En Ampeleur a Rom en doé ur Brincès,
 Hag a oé deit de chom devat-ou, d'é balès ;
 Ur verh santel e oé ha carguet a zoustér,
 Hag open en dra-zé, é oent ou deu a guér.

Er Prince Euphémien hi hanavé reih-mad,
 Hag a yas d'hi goulén aveit priéd d'é vab :
 Er roué Honorius a rescondas dehon
 Penaus é oé joyus ma vezé reit dehon.

Nezé sant Alexis, aveit plijein d'é dad,
 A ziscoas é peb quis é oé ur hroaidur mad ;
 Car ean a gueméras Olimpi eit priéd ;
 Mæs guet ur glahar bras en dout hum ingajet.

Eun en doé a chom é durant é vuhé
 Guet é briéd é Rom, é léh chervijein Doué ;
 Mæs imbèr hum gavas é creis é liberté
 Dré er péh a gleuas a berh en Entru Doué.

En noz quènt éredein, Doué a gonzas doh-t-on,
 Eid en avertissein, dré révélation,
 De guitat é briéd hag é ol palésieu,
 De zisprisein er bed hag en ol inourieu.

— 5 —

Car, allas ! Alexis, emé en Eutru Doué,
N'en dès nitra hemb pris meit en éternité ;
Hag aveit bout eurus petra chervij d'oh-hui,
Ma ne gâret JÉSUS mui aveld Ollmpi.

Er Sant a pe gleuas er révélation,
Quentéh é comanças larein a huir galon :
Ah ! ne houlennan quin, me Jesus guirion,
Ah ! ne houlennan quin meit hou permission.

Men Doué, me zou coutant a gùitat er hanton :
Ya, me zou coutant a greisig me halon :
Aveit tad m'hou quemér, Jesus Salvér er bed,
Ha hui, Guérhiès santel, aveit mam ha priéd.

Nezé sant Alexis, hemb tardein ur momant,
Hemb larèt é avis hag é huir santimant,
Èl ma hé a ziblas é conzas doh é voès,
Péhani a gavas ér gambr ag hé balès.

Quer ferm é créd é Doué, èl un Æl ag en Neu,
Jamæs chonj n'en doé a vlessein é ineu ;
Ean a ras seulemant d'Olimpi é briéd
Ur groéz eur a bresant hag é bizeu ærèd.

Nezé é sortias hemb larèt mèn é hé ;
È eur a gueméras hag er péh en doé,
Guet eun a vou guélet é liblassas bean mad,
En habid deguiset, ér mæz a dy é dad.

D'ur porh mor é ridas beannan ma hellé,
Hag ino é cavas, dré bermission Doué,
Ul læstr aveit diblas ér mæz ag er hanton,
Hag ean hum umbarquas a greisig é galon.

Quetan doar a gavas é oé Loadicé,
Hag ino é quérhas hag en noz hag en dé :
Idan volanté Doué hag é vam er Huérhiès,
È arivas nezé er guér hanvet Edès.

— 6 —

Inou é partajas é misq er beurision
 Argand ha madeu bras, péré a oé guet-on;
 É zillad hag é eur hag é ol habideu,
 Ean ou ras d'er peur aveid é billotteu.

Nezé é has ehué de glasq en alézon
 A zor de zor bamdé, é misq er beurision,
 Hag a p'en devezé mui aveit necessér,
 Ean en dispartié d'en dud clan dré er guér.

É porchéd un ilis hag a oé forh hantet,
 É oé é lojeris hag é ol d'arempret:
 Inou é oé placet ul limaj d'er Huérbiès
 En doé queméret aveid Avocadès.

Durant ma oé lojet er peur queah Alexis
 Én ur guér divroet, é porchéd un ilis,
 É brièd Olimpi, é dud hag é ligné,
 A oé é melconi hag en noz ha en dé.

Él un druhunel peur en dès collet hé far,
 A huélèt drest en deur é hirvoud ar ur bar,
 Ér guis-cé é clevet Olimpi é ouilein,
 Hemb repos na cousquét, hemb ivèt na draibrein.

Euphémien é dad, a p'en das de gleuèt,
 E oé quiteit é vad hemb larèt tra erbet,
 A gassas mehuellen quasi ol dré er bed,
 De houlén quevelleu, é chonjal er havouèt.

Él ma oent dibarès fidel ha dilijant,
 Ind a yas de Edès é léh ma oé er Sant,
 Hag en ou hanavas hemb disclériein dehai,
 Ha memb a houlennas en alézon guet-hai.

Nezé en hum dennas ér mæz ag er porchéd,
 Hag a drugairéguas Jesus én ul larèt:
 Joé a mès ém halon n'en d'on quet hanavet
 Guet dén a me hanton na guet me mehuelléd.

— 7 —

E durant seitéc vlai é oé er Sant ino,
É vihuein ér guis-cé, hemb chonjal én é vro ;
Mæs anfin er guéris reih-mad e hanavas
Santeleah Alexis doh é bénijen vras.

El limaj-hont a oé é porebèd en ilis,
A revélas un dé santeleah Alexis ;
En inour er spontas ér guis ma hré perpet,
Rac-cé ean a gùitas guet eun a vou trompet.

Ean en hum ambarquas én desir de monèt
Én tural d'er mor bras, forh pèl é perhindet ;
Mæs, allas ! en tourmant hag en ahuél contrér
A zégassas er Sant diar er mor d'er guér.

Ér porh-mor a Osty é arivas quietan,
É vro a Intali, pe chonjé bihannan :
Nezé é comanças ouilein dré er galon .
Quentéh ma hanavas é oé én é ganton.

Me huél Rom, em'ean, me huél palès me zad,
Pèla, tantation, ne fal quet d'ein tostat ;
Petra hrein-mé berman, me Jesus, me Salvér ?
P'en d'on deit bet aman, ha me yei bet er guér ?

Avance hardéh mad, emé en Etru Doué,
Quèrh de balès ha dad ha ma conservo-mé ;
P'en d'ous bet fidel d'ein durant te ol poènieu,
Jamæs na tilézein én ha dantationeu.

Alexis a sentas hemb resistance erbet,
Doh er vouéh a gleuas a berh Salvér er bed ;
Rac-cé é retornas dré é goussantemant
D'er memb bro a hùitas dré é gomandemant.

Pe antréas é quér, quènt ma hras tra erbet,
É pedas é Salvér hag é vam benignet,
De rein ur græce dehon, d'er goarantein perpet
Doh en tantation ha finesseu er bed.

— 8 —

Èl ma té Alexis a hobér oræson
Èr mæz ag un ilis ha poén én é galon,
È rancontras é dad guet é serviterion,
Èr guis ma oé é stad hag é gondition.

Èr Sant a p'er guélas e yas de gonz doh-t-on,
Ha guet un doustér vras é lavaras dehon :
Eutru, me zou carguet a bep sort peuranté,
Hag ér guis ma huélet, me mès necessité.

Eutru, cleuet e mès p'en d'on deit d'er hanton,
Ne refusèt jamæs nitra d'er heurision :
Hanvet oh a viscoah tad en dud allijet ;
Hui a husq er ré nuah hag en orphelinéd ;

Hag e mès queméret en hardéhtéd ehué
De zonèt d'hou cavouèt é creis me feuranté,
Aveit hou supliein, é hanhue en Eutru Doué,
De rein lojeris d'ein er rest a mem buhé.

Èr Prince Euphémien, hemb hanâouèt é vab,
Ne glasqué nitra quin meit gobér œvreu mad ;
Hag a gomandas rein ul lojeris dehon,
Hag open e ras soign d'ur mevel a nehon.

Mæs er mehuel ingrat hag hemb trubé erbet,
É léh er soignein mad èl ma oé comandet,
El laquæs én exprès étre dihue goh vangoër.
Èl léh ne oé jamæs na confort na splandér.

Hag open en dra-zé, en ol serviterion
Ne ren na noz na dé repos erbet dehon :
Èr villan sotisseu ha canveu a bep quis
A oé douçan conzeu a larant d'Alexis.

Lod a daulé doh-t-on scupadurieu en ty,
Lod aral peb sort stronq ha peb sort lousteri ;
Réral er scrabissé hag a denné é varhue,
Èr fin ne hrent bamdê meit desiréin é varhue.

— 9 —

Alexis a souffré guet ur guir batiantet
A gaus d'en Eutru Doué ha d'é Vam beniguet ;
Mæs, allas ! ne oé quet en ol anjulier-cé
A laqué é sperèd én anquia ha tristé.

Doh un tu é cleué é dad peur é ouilein,
Doh un al é huélé é vam é huannadein ;
É brièd Olimpi a varhué é crial,
En ur pèn ag en ty bedig er pèn aral.

Ah ! me mab Alexis ! emé Euphémien,
Men é oé me avis a hou ç'aliancein ;
Mé-é a zou caus mad ma boès me dilézet,
Rac ne oé quet d'hou crat quemerein ur prièd.

Ha possibl a vehé en em behé ur mab,
Hag em dilézhé én anquin ha huannad,
É léh bout héritour d'ein ha d'em ol danné,
Ha carguet a inour durand é ol vuhé.

Me mab a garanté, emé er vam beur-hont,
Petra mès groeit didé p'em lezès én hirvoud ;
Mé mès ha conservet étre men digosté,
Mè mès te houlennet déguet en Eutru Doué.

Ha berman t'em dispris, dinatur a galon,
T'em dilès, Alexis, hemb consolation !
Ah ! preparet ur bé aveit me interrein,
Paré-eu mem buhé, ne fent quet mui bihuein.

Alexis, Alexis, a laré Olimpi,
Me frièd Alexis, é pèh bro é oh-hui ?
Ha possibl vé larèt é vehen intanvès
Ag en noz destinet aveit bout Rouannès.

Scüillet, men deulegad, dareu én abondance,
Mal-eu d'ein ancoéhat peb sort rejoeissance ;
Ne gavér Alexis énep léh ar en doar ;
Doué ag er Baraouis, na brasset ur glabar !

— 10 —

Alexis a gleuè én é léh disconfort
En ol glahareu-zé ha réral a bep sort :
Hag a huélé é dad, é vam hag é brièd
E passein liès mad étal d'hon glaharet.

Alexis a vihuas ér stad trubéns-cé
Guet ur batiantet vras en durant seitêc vlé,
Ha jamæs n'hum glêmmas ag er serviterion,
Nag a er boénieu bras a oé én é galon.

Rac Doué a gonservé Alexis é vignon
Durant er poénieu-zé idan é brotection ;
Jamæs chonj hemb quin ne dosté d'é galon,
Na desir de sentein doh en tantation.

Ean a vivé bandé guet guir devotion,
Ha perpet é vezé é hobér oræson,
Peb Sul é covessé guet guir contrition,
Hag en hum gonforté dré er Gomunion.

Anfin Doué a vennas recompancein er Sant
Ag er bénijen vras hag é ol castimant
En doé anduret aveit plijein dehon,
Er hassas ag er bed d'er Baraouis guet-hon.

Hag open en dra-zé, Doué a laras dehon
En dé ma varvezé dré révélacion ;
Nezé é comanças trugairéquat Jesus
Ag é garanté vras guet ur galon joyus.

Nezé ean a scrivas ar ur follen papér
Er péh e anduras durant é ol amzér ;
É hanhue a zisclérias hag ol a boént de boént
Er péh en oblijas de guitat é guérent.

A pen doé scrivet ha requetet Jesus
D'el lemel ag er bed én ur momand eurus,
É pléguas er papér én é zorn beniguet
Aveit gortoz en ær, èl ma oé revélet

— 11 —

Èl ma tispartié é gorv doh é ineu,
E tas pront aberh Doué ur voéh a lein en neu,
Ha dré voyand un Æl a gonzas ével-men :
Clasquet en dén santel é ty Euphémien.

Er Pab avel er Roué, ha memb tad Alexis,
A gleuas er voéh-cé, èl ma oent én ilis ;
Hag ind monèt aben, hemb tardein ur momand,
De dy Euphémien aveit guélet er Sant.

É oé é creis er place, én é gambrig tiboel,
Goleit e oé é face idan ur goh vantel ;
Hag a p'el lamezant é oé é faç santel
Quer caër ha quer brillant èl pe vé bet un Æl.

Mæs a pe vennezant lemel er villetten
A oé é dorn er Sant aveid assai el lèn,
N'el lezas quet é dad na guet dén a nehon,
Que ne dostas er Pab d'er goulén de guet-on.

N'en dès dén ar en doar na ne vou birhuiquin
A laro er glahar, en hirvoud, en anquin
A oé én ur momand é ty Euphémien,
A pe gomancezant de leine er villetten.

È dad a pe gleuas hanhue é vab Alexis,
Hag er péh a souffras én é dy é peb quis,
A lausquas un taul cri ihuél ha truhéus,
Que ne sonnás é dy guet ur voéh glaharus.

En anquin a vougvas er gonz én é galon,
Quentéh èl m'er sellas é couéhas étal d'on,
Que ne chonjé en ol péré a oé presant
Penaus é hé de gol isprid ha santimant.

Mam er Sant a gleuas er voéh glaharus-cé,
Ha quentéh hi ridas aveit gout petra oé :
Mæs er vam peur, allas ! pe hanavas hé mab
A gouéhas ar er place semblet guet er glahar.

— 12 —

Er Brincès Olimpi oé d'erhlué hé hunon ;
Perpet é melconi hag én affliction ;
Mæs a pe zischennas, ha ma huélas hé dén,
Hag a p'en hanavas, ah Doué! pebéh anquin !

Deoh-oé é ouilen a houdé pél amzér,
Ha hui oé a glasquen ha bout a oéh ér guér ;
Diar ur guir pé deu é couébas ahétet,
Baiet guet en dareu, étal treid hé friéd.

Hennen-é Christenion, buhé sant Alexis,
En n'emb a brei él d'on a yei d'er Baraouis ;
N'en dé quet er madeu hag inourieu er bed
A gondui d'er joyeu er Sænt ha Santéséd.

Allas ! na liesset é laq er péhour peur
É ol studi ér bed, én argand hag én eur,
É léh chervijein Doué él m'en dé oblijet,
E bass ol é vuhé é folleaheu er bed.

Digueor enta, péhour, digueor ha zeulegad,
Distro doh te Grouéour ha considér erhat ;
Considér hoah ur huéh é ma te ineu peur
Préciussoh mil guéh aveid argand nag eur.

Sellet hoah guet truhé, Jesus Salvér er bed,
Sellet hoah a druhé doh ur péhour calet ;
Distâguet é galon doh inourieu er bed,
Hag ansaignet dehon en hënt de vout salvet.

FIN.

É Guénèd, é ty L. GALLES.